

愚齋存稿初刊

五十



愚齋存稿卷第八十七目錄

電報六十四

開封寶中丞棻來電

南京張安圃制軍人駿來電

天津陳制軍夔龍來電

開封寶薌石中丞來電

漢口瑞制台澂來電

開封寶中丞棻來電

寄長沙余中丞誠格

寄開封寶薌石中丞

寄南京張制軍

寄漢口瑞制軍

寄開封寶中丞

又

又

又

寄天津陳小石制軍

開封寶中丞來電

又

又

重慶端大臣方來電

天津陳小石制軍來電

又

寄天津陳制台夔龍

寄開封寶中丞棻

又

彰德袁宮保來電

蘇州程中丞德全來電

寄彰德袁宮保

彰德袁宮保來電

天津陳制軍夔龍致內閣軍諮府郵傳部電

寄蘇州程雪樓中丞

寄各省將軍督撫

寄彰德衛輝鄭州探送廕大臣昌

寄鄭州廕大臣

又

寄漢口施道肇曾速送瑞制台

奉天趙制軍爾巽來電

四川趙季和制軍來電

寄彰德袁宮保

彰德袁宮保來電

許州廕大臣來電

奉天趙制軍來電

寄廣州張制軍人駿

寄彰德袁宮保世凱

寄南京張制軍人駿

寄重慶端大臣方

寄南昌馮中丞汝駉

寄長沙余中丞誠格

寄彰德袁慰庭宮保

彰德袁宮保來電

九江瑞制軍薩軍門寄內閣請代奏電

九江瑞制軍寄內閣請代奏電

荊州府連將軍電奏

信陽廕大臣來電

彰德袁宮保來電

寄彰德袁宮保

寄信陽廕大臣

寄漢口劉家廟瑞制台薩軍門

寄南昌馮中丞汝驤

寄南京張制台南昌馮撫台安慶朱撫台上海劉道台

寄招商局員董

寄彰德袁宮保

彰德袁宮保來電

寄濟南孫中丞寶琦

寄信陽轉花園廕大臣

又

又

彰德袁宮保來電

又

又

又

又

寄南京張制軍蘇州程中丞上海道劉觀察

寄彰德袁宮保

彰德袁宮保來電

又

天津陳制軍夔龍來電

寄彰德袁宮保

又

又

愚齋存稿卷第八十七

電報六十四

開府寶中丞蔡來電

八月二十一日
府陸軍部

並致軍諮

貴郵部箇電敬悉黃河橋爲南北交通樞紐敝處
自當派隊保護但鐵路本軍用另一機關豫中到
處均需設法勢難專注一端此時武昌已陷萬一
漢口有警照軍事辦法應將京漢南端首站拆毀
一段以免匪人乘機而入還乞商明由鈞府貴軍
部從速專派軍隊將河橋及此股鐵道駐守管理
以免隨時命令不一別有貽誤武漢情勢日緊可

否將每日北上票車暫停數日尤乞貴郵部力顧大局勿以暫時損失爲意至京漢各車自入豫境後本省自當逐段嚴查現已沿途分派員弁管理此事極有關係務乞貴郵部速卽通飭各站遇有此項員弁准其隨時上車查察萬勿阻止是爲至要

南京張安圃制軍人駿來電

八月二十二日

尊示與敝見相符已奏請添招勇營長江商埠林立伏莽滋多並已電調兵艦抽集得力防營嚴加保守鐵路電綫自應設法保護

天津陳制軍夔龍來電

八月二十二日

並致陸

寶卿帥電借槍械現飭保定軍械局撥解洋造小
口徑毛瑟全槍五百枝共配子彈五十萬粒由火
車運鄭應請軍部迅發護照逕交保定軍械局長
徐守並請郵部電飭京漢路局遵照以免延誤

開封寶卿石中丞來電

八月二十二日

防守黃河鐵橋豫中原派防軍兩營今午已到一
營餘需續到今晚深恐兵力尙單擬再由省加派
陸軍兩隊卽刻專車載往暫駐守護豫南處處需
防兵力實屬不敷分布請催令部派駐守之兵速

來爲禱

漢口瑞制台澂來電 八月二十二日 並致外部

此次匪黨勾結段兵作亂肆意搶掠燒毀省城內
外火光三日不絕昨又煽動漢鎮本地痞徒及無
業游民放火燒搶實與土匪無異毫無文明舉動
惟昨探聞該匪有欲煽動漢口各國領事與之立
約之說想各國領事與我素敦睦誼當不爲其所
動且該匪雖假借國民軍名義而一切兇殘情形
亦難任意欺誑第既有所聞不得不先密告應請
密商各國公使密飭漢口各領事如遇該匪等甘

言煽惑嚴行拒絕大局幸甚

開封寶中丞棻來電 八月二十二日 致郵傳部

現有步隊兩隊明日可到許州望飭該路站长速

備頭等車一輛三等車三輛廠車一輛行李車二

輛候該兵隊到許立刻運送赴武勝關勿稍遲誤

再今日派隊由汴啟行站长多方支吾不肯用二

三等車運送仍復拘泥賣票商之再四始以廠車

裝運計已耽擱五點鐘之久誤咎將誰屬且兵隊

遠行乘坐廠車計到駐紮地點業已困憊不堪尤

爲行軍大忌務請嚴飭該總辦站长等以後遇有

運兵之時須聽敝處指揮勿得仍前玩視至要至要

寄長沙余中丞誠格

八月二十二日

防軍太單公可電奏請派黃忠浩速募十營多招一勇
卽少一匪貴屬安否

寄開封寶薌石中丞

八月二十二日

汴洛票車准停卽歸尊處運兵請卽轉飭遵照漢口票
車已停但車站已被佔恐匪兵自開北上貴軍赴武勝
關可卽攔阻本部已一面電飭將漢車頭均調離漢口
矣

寄南京張制軍

八月二十二日

澤公會電

鄂軍餉甚急已電飭造幣廠蔡道將已鑄銀元火速運往請卽密派妥人護送上船萬勿張揚

寄漢口瑞制軍

八月二十二日

二三次電奏今早上韜奉命銷假請停操則一二鎮現成可速行軍力太薄千萬先保橋路大軍到後方可一鼓成功四十二標變否路已拆動張永漢須懸重賞提督丁槐現任孝感黃忠浩回長沙公可電奏請就近各募十營以備不虞多招一勇便少一匪韜今面奏公再一提卽決議

思齋不彙 卷之十
寄開封寶中丞 八月二十二日

今早已有入前往欲將黃河鐵橋炸毀望速飭就近防
軍赴黃河橋趕緊守護明日即可運兵到橋

又 八月二十二日

尊電奏抽調大隊先保黃河鐵橋及入豫鐵路首站扼
要之至今早南路洋段長來電七十二次稟車聞已有
人前往將黃河鐵橋炸毀此車到境望飭嚴查防堵北
軍明日到橋計一標統帶馬繼增其命令以橋爲起點
節節前進擇要分紮並酌留隊伍駐紮橋端應否會合
各辦各事橋北亦宜分防乞密酌

又 八月二十二日

武勝關以南車頭已飭京漢局悉數拖入武勝關現軍
諮府定撥兩鎮於五日內一律懺鄂應援此項軍隊須
尅日到鄂灑口以南鐵軌尊處務囑軍隊千萬勿拆已
由本部電飭該路局沿途加派巡警保護以利運輸

又 八月二十二日

承派兵隊保護鐵橋甚感北軍三營明日可到可靠與
否尙無把握貴軍請暫留數日兩鎮月底運完屆時再
請撤調馬鎮金敘在南陽現統幾營乞示

寄天津陳小石制軍 八月二十二日

養電代籌極佩寶菴帥已派隊紮武勝關黃河橋兩處
以扼來路本路亦擬奏請自募兩營保護惟軍火難得
如尊處允借撥卽當照辦乞速電復

開封寶中丞來電

八月二十二日

鄂匪佔漢口車站事在意中惟豫軍雖已陸續開
派到防需時現在豫省援鄂之步軍一營駐紮灞
口聞今日北軍已開往兩營應請鈞府貴軍部速
飭與豫軍聯絡駐守並請貴郵部速飭京漢路局
將凡有武勝關以南車頭悉數拖入武勝關以北
愈北愈妙敝處已飭駐灞口之軍隊將逼近匪佔

之鐵道相機拆毀數十里此外別無救急之法乞
速分飭遵辦爲禱

又八月二十二日

現需載新軍赴武勝關車不敷用請速飭汴路局
暫停今日開封票車騰出應急各兵均在車站守
待愈速愈妙往後如遇調兵緊急輾轉電達深恐
有誤還請通飭各站暫聽敝處命令不必再由尊
處電達爲禱

又八月二十二日

今日上午尙有南北軍車陸續過鄭足爲河橋未

思齋不棄
卷之二
壞之證做處所派防軍午前已有一營到橋岸餘
待續到今晚頗不放心已令應協統親帶新軍兩
隊於傍晚專車載赴守橋約戌刻即到至往後如
何防守應俟各軍到齊再酌

重慶端大臣方來電

八月二十二日

並致澤公

頃發電奏云端方由萬縣乘蜀通商輪上駛水勢
暴漲伏灘出險今午始行抵重慶據朱軍電稱在
犍爲城外鳳凰山遇犍匪勾結之嘉定大股四千
餘人派人傳諭曉導令兵解散匪徒不從猛撲官
軍當經接仗陣斃匪首白姓畢姓巫姓三姓匪徒

三百餘人嘉匪勢衰退去旋句引銅雅三邊匪股
踵至匪勢復盛我軍暫守犍爲待援又據徐軍電
稱郭家墩匪股竄入古宋縣屬粟橋趕場壩等處
連日堵截追剿匪徒被擒二十餘人奪得槍砲軍
器多件餘匪由連天山老翁場竄逸現正分兵追
捕等語查川南之匪嘉定爲老巢恐朱軍直搗其
中堅故以全力爭犍又號召銅雅三邊小股牽制
朱軍不得前進現在朱軍適當匪衝必爲預籌後
援始免勢孤力薄黔軍遠來本稍勞頓昨令由瀘
至敘改用舟行較陸更捷而精銳得以養蓄該軍

現已到敘已飭赴犍與朱軍會合並戒以客軍人地生蔬須步步穩進絲毫不可大意方能自立於不敗之地一切夫役糧餉已由地方官預爲照料惟所攜子彈不甚寬餘只好暫令節省續行設法接濟川南邊勢略鬆並令邊軍酌抽得力一營進紮敘府似此節節進行朱軍由犍規嘉黔軍由敘規犍徐軍復由瀘顧敘力爭上游卽以固下游門戶惟犍爲縣屬之清華溪五通橋二處鹽廠雖亞於富順之自流井數廠竈工徒亦有數萬保護不可稍疏除電商趙爾豐設法先顧廠防外擬俟數

日內鄂軍到渝力爲協助屆時朱軍氣力較足卽可於四營內抽一營專防犍廠以免停工生事渝防尙稱周密足慰宸廑再此次到渝紳商學界因端方爲宣布朝廷德意而來於城外多設香案藉表歡迎其意甚爲誠懇合併聲明乞代奏

天津陳小石制軍來電

八月二十二日

鄂事危迫南北路綫交通惟恃黃河爲藩籬似宜統籌全局先事預防京漢全路最關緊要凡有車頭處所宜派妥實將領督帶可靠軍隊協力保護總須操縱由我乃占勝著頃聞謠傳漢口亦危如

果屬實則漢鎮車站已不可恃似宜於廣水一帶
擇立車頭廠站以利轉運至駐馬店南鐵路亦係
鄂軍防護難保不與叛兵聯爲一氣似宜速商寶
香帥另派妥靠軍隊換防或竟由大部招募精兵
數營專護京漢鐵路以免匪竄尤爲妥善芻蕘之
獻統望卓裁是幸

又 八月二十四日

現在防務緊要凡直隸境內之宣化保定正定大
名山海關開平朝陽等處暨永平一帶並河南彰
德府各路統領均由敝處發給津字密碼電本請

飭天津電報局分電以上各處分局如遇各統領
發遞敝署密電務卽隨到隨發並擬請照半價收
費以利軍用至級公誼並乞示復爲荷

寄天津陳制台夔龍

八月二十四日

尊處撥派混成協一標二營兵隊保護鐵路擬於廿四
日後由郎坊開往彰磁一帶駐防囑備三等車八輛廠
車三輛以便軍行亟應卽刻遵辦惟廕大臣本日進發
赴鄂援兵均萬分緊急車輛恐本日不敷分用已飭路
局設法騰挪以免延緩並囑逕報尊處

寄開封寶中丞棻

八月二十四日

軍諮府函述尊處漾電請酌留車頭一事刻下輸送正
繁實係不敷應用礙難照辦乞諒

又 八月二十四日 度支部會電

湖北官票在豫數少鄂中所出票甚多現在該局已經
落亂實數無可稽查倘有假票爲患伊於胡底僅顧目
前恐非辦法惟有請尊處出示在省設局派員驗明原
票號數逐一登簿並蓋豫局驗訖准其通用字樣俟鄂
局收回對明號頭方可辦理總之官票公家必當擔任
請卽曉諭以安人心

彰德袁宮保來電

八月二十日

漾電感悉惟凱衰病侵尋入秋尤劇俟見電鈔擬
請另簡賢能廕薩此去必卽肅清

蘇州程中丞德全來電

八月二十四日

路綫關係徵調已設法極力保護京漢路有無阻
隔乞示

寄彰德袁宮保

八月二十五日

敬電奉悉此亂蓄之已久若不早平恐各省響應公出
處關係中原治亂並請默念此身負環球重望豈能久
安綠野與其遲一日不如早一日萬勿遲疑

彰德袁宮保來電

八月二十五日

各處要電往來頗多請飭局列爲一等出半價由

鄂彙付現無關防擬鈐圖章

天津陳制軍夔龍致內閣軍諮府郵傳部電

八月二十

五日

連日京津一帶因鄂事人心惶惑市面搖動幸一切
交通貿易如常大局得稍鎮定頃聞傳聞京奉火
車因運兵運械有自明日起將京津客車暫行停
止之說未知確否現在人心不靖謠言孔多本已
防不勝防京津貨車業經停止如果客車再一隔
絕則兩地必互相猜疑設有匪徒藉此肆其煽惑

轉恐別生他變於京津治安關係甚鉅運兵本爲
赴援湖北固應先其所急而畿輔重地爲根本
所繫尤宜審籌兼顧務保無虞夔龍愚意如運兵
車輛實在不敷不妨多以津浦京張各路湊集京
津客車似宜照常開行卽萬不獲已亦宜每日往
來一次以安人心而維大局夔龍旣有所聞用敢
密電奉達敬請迅賜鑒察不勝企禱之至乞賜覆
寄蘇州程雪樓中丞

八月二十五日

京漢路無阻廕帥親統萬人已過黃河請囑首府留圍
振會緩行

寄各省將軍督撫 八月二十五日

武昌兵變不及萬人城中無糧水陸到齊不難克復惟防軍太少統帥未到兵匪殺掠漢口震動電綫被佔假電甚多薩軍門統兵艦雷艇十數號廕大臣統步砲隊二萬火車赴漢沿途無恙日內陸續可到另有萬人由津輪船赴漢內定袁岑宮保督楚川京都安謐報紙謠言斷不可信承詢謹聞各大府似宜薦引宿將多招防軍度部已奏准先顧國防暫緩他用務望善體此意

寄彰德衛輝鄭州探送廕大臣昌 八月二十五日

京奉票車已停混成協已運完廿五接運一鎮廿六可

完賊將攻打劉家廟望速電瑞薩兩帥儘力保護車綫
否則兵不能到漢起卸極關緊要

寄鄭州廕大臣

八月二十五日

漢路局施道有電昨晚各領不允叛兵經過租界故劉
家廟車路尙安聞叛兵由後湖抄出西擊田家鎮步步
加緊北軍第一次午可到江岸電局仍彼踞用云一協
今早已運完

又八月二十五日

第四鎮仍廿六早開起特聞

寄漢口施道肇曾速送瑞制台

八月二十五日

奉 旨聞匪黨有攻打劉家廟江岸使我兵車難於起卸之說著瑞澂會同薩鎮冰速派水陸軍隊嚴爲防堵以便兵車到漢起卸無礙毋稍疏虞欽此宣敬轉

奉天趙制軍爾巽來電

八月二十五日

並致澤

奉省造幣廠停鑄舊幣前經電達幣制局請俟兩月後仍鑄小銀元當奉覆電商辦等因在案現在鄂變猝起奉市異常驚惶自非趕鑄小銀元恐外人逼處一有擾亂爲患甚巨頃已電奏請 旨飭行如蒙 俞允務請飭幣局趕鑄大局幸甚

四川趙季和制軍來電

八月二十五日

現當軍事繁興往來官商各電之多十倍於常日
非有精細幹練之員相助爲理實有應接不暇之
勢加以鄂亂未平恐有匪徒暗通消息勾結煽惑
尤非嚴密檢查不可查有調川辦理電政候選通
判唐元樞前在山東電局咨調來川充官電總局
會辦及電報學堂監督辦事精覈毫無貽誤若以
該員會辦成都電局事務必能與周守祖佑和衷
共濟多所裨益惟事關電政應請大部查核照准
迅予電委至切公誼

寄彰德袁宮保

八月二十六日

愚齋存稿 卷二十一
有電已轉飭各電局遵照矣惟漢口電局尙爲匪佔已
面囑廕大臣到漢卽將電局收回薩統帥昨日抵漢北
軍頭批已到鐵路現無恙

彰德袁宮保來電 八月二十六日

徑省兩電感悉鄂軍盡變庫欸全失赤手空拳用
何剿撫除蜀軍各有專帥外各路援軍在鄂境應
歸敝處節制者現有若干祈飭查示至禱憂心如
焚病益增劇廕帥過晤踴躍從事想不難指日盪
平也

許州廕大臣來電 八月二十六日

廿五晚抵彰德忽有俄美軍官五人乘運兵列車到彰卽擬登昌專車南下並持有京漢局所給軍用乘車執照當此軍情緊急運輸困難萬難准其前往除飭彰德站長不准中外人等搭乘軍用專車外卽祈嚴電各站不得再准給照爲要

奉天趙制軍來電

八月二十七日

連日飭潘道檢查滬電內有轉遠東吉長兩報電云九江湖口陷失援鄂軍潰等語此等謠言不知滬局何故代發事關治安應請飭滬局及各局一律檢查扣留勿致搖惑再商報密碼東省已停止

收發各省亦請諭停盼復

寄廣州張制軍人駿

八月二十七日

頃准軍諮府函准尊處請給粵省紅十字分會董事鈐記等因查該分會惟上海一處首先成立組織漸次完備此次粵省醫生伍漢持等所派是否可靠望查詢情形隨時與敝處接洽商辦所需鈐記當飭照章刊刻俟尊處復到卽寄請轉給

寄彰德袁宮保世凱

八月二十七日

公此行事權必須歸一各路援軍聞只有湘豫兩軍先到未詳人數大約共總不到十營第四鎮廿六卯刻已

運完保定第六鎮一協廿九開車今日空車已有拖過
信陽者聞初一起節需車若干乞預示

寄南京張制軍人駿

八月二十八日

並致上海劉道

尊電鄂省匪黨恐由漢搭輪赴下游勾結生事亟應防

範極佩蓋籌惟亂後各界被難之人紛紛下駛停輪固

多窒礙且漢口爲通商口岸各國必不應允惟有由部

飭招商局並由滬道商各領事知會各家商輪一律只

准在九江安慶蕪湖南京鎮江上海各大碼頭停泊上

下所有一路小碼頭概不裝卸搭客並請通飭各大碼

頭專派得力巡警於船到時詳細挨查并登報俾沿路

愚齋存真 卷六十一 三
搭客知照一面已商請稅務大臣通飭各稅務司檢查行李以期周密容再緩聞

寄重慶端大臣方

八月二十八日

廿二三五電悉北方各省均甚安鄂亂實由兵變黎元洪爲帥諮議局爲政府薩海軍昨已開砲廕統兩鎮陸續到漢昨打滋口匪敗慰帥督楚請援湘淮招勇廿四營大約意在間接招安高於直接言者多矣鄙見蜀事實難於鄂匪勢散漫兵行濡滯公所帶鄂軍如未潰散亟宜倍餉拊循軍心易轉精械難求西林督川病辭未准卽來亦不能速公能否商次帥一面招撫一面募勇

多一勇卽少一匪川路季帥仍請商辦 朝廷置之藉
此改綫正好機會請與川紳商之

寄南昌馮中丞汝駢

八月二十八日

滬漢各輪搭客形迹可疑者多刻值擾亂之際匪情叵
測承示各節具佩蓋籌時安帥亦有電商現擬通飭各
輪只准在沿途大碼頭六處停泊上下其於各小碼頭
概不停輪及裝卸搭客並請飭派得力巡警於船到時
詳細挨查以期周密如有軍隊赴漢及下游先電尊處
及濶道指明軍名船號並通電廕大臣及各軍查照均
卽遵示辦理

寄長沙余中丞誠格

八月二十九日

承面諭林道允將湘省應解滬賠款拾萬撥濟礦用甚
感現在商輪無法運萍務請暫匯五萬以免譁潰至禱
至感北軍第四鎮今日到信陽廕帥俟軍齊進發慰帥
已預備赴鄂

寄彰德袁慰庭宮保

八月二十九日

昨上午匪搶瀟口鐵橋我軍小勝下午江岸槍聲海軍
武昌砲聲不絕勝負尙無實信廕帥昨在信陽北軍大
隊在孝感等處均未下車故南車七八百輛皆未回北
拖過信陽者甚少匪兵心志似易散亂但聞沿江各省

人心搖惑武漢得手方能鎮定公宜速行大約公到陸軍大臣即可調回以一事權前慮橋路被拆故預備馮國璋統第二軍航海今已暫緩聞公初一起節須車若干乞速示遵辦

彰德袁宮保來電

八月二十九日

接內閣沁電開荆襄地方重要甚為可慮調撥軍隊深恐交通不便緩不濟急現已商明軍諮府陸軍部海軍部准由該處道府自行就近招募營隊扼要防守所需餉項由部籌給該道府迅即督飭所屬地方文武妥慎籌維毋稍疏虞閣云現荆襄

電阻無從轉行請貴部設法轉寄該道府遵照

九江瑞制軍薩軍門寄內閣請代奏電

八月二十九日

致軍諮府海陸軍部
度支部轉袁宮保

竊廿七日六點鐘津兵第二起坐火車到站尙未
下車突有匪徒二三千人逕撲劉家廟車站希圖
撲襲津兵張彪立率湘豫鄂各軍迎剿槍斃悍匪
二三百人裹辮者居其大半奪得大砲六尊槍械
無算匪徒敗走我軍傷亡二十餘人時鎮冰督率
兵艦雷艇防護江岸以杜省匪接應瑞澂在楚豫
兵輪游弋江岸接應突有匪徒砲隊由武昌江岸

開砲轟擊楚豫兵輪意在制瑞激死命楚豫開砲
還擊連中兩砲匪隊始退唯因我軍兵力甚單不
能痛追仍飭照舊嚴密防守不料三點鐘後匪徒
大股擁至均有快砲二三十尊彈落如雨北洋砲
隊未到步隊全軍遽向溝口追去匪軍因之奪氣
亦各退卻鎮冰兵艦因恐誤擊我軍轉向後湖用
砲擊匪後路共放三十餘出傷斃匪徒不少七點
鐘後張彪探得劉家廟駐匪無多復率湘豫鄂各
軍回攻擊敗匪徒復將劉家廟佔住唯津兵不奉
命令不能前進此我軍擊敗匪徒並劉家廟失而

復得之情形也伏查此次匪徒先乘津兵初到徑
撲車站其謀極爲狡悍幸得當時擊退津兵毫無
損傷午後復起大股砲隊來攻勢尤兇猛津兵砲
隊未到步隊輒行先退以致各軍奪氣幸張彪奮
不顧身復率湘豫鄂諸軍乘夜回車仍將劉家廟
佔住唯本日傷亡甚眾兵力愈單津兵折回別無
援應瑞澂等惟有督率將士竭盡血誠能守一日
劉家廟卽盡一日之責惟陸軍旣單兵輪又乏煤
米瑞澂之船更無米無油勢成坐困危在旦夕仰
懇 天恩迅催廕昌立卽前來或派砲隊先至救

此危局不勝迫切待命之至謹請代奏瑞澂薩鎮冰同叩

九江瑞制軍寄內閣請代奏電

八月二十九日
並致軍諮府海陸

軍度郵各部
轉袁慰帥

竊廿七日匪軍攻撲車站官兵迎擊獲勝津兵退回不肯援應劉家廟失而復得各情形業經電奏在案探聞匪中以諮議局自治會為機關以報館報紙為煽惑各處響應瑞澂自二十日二十一日兩日率兵艦進攻武漢不克遂與張彪督飭豫省張錫元所帶陸軍一營湘省王鼎華夏占魁所帶

巡防隊兩隊及蕭安國輜重營一營張永漢步隊
兩隊崇歡巡防隊一營朱名超馬隊三十餘人特
別警察隊一百餘人駐守劉家廟車站再三開導
撫慰並發給各弁日記升獎札許以先支薪水苦
守七日以待津兵之至不期津兵既到匪眾來攻
反向灑口退去當時津軍如果協力助剿漢陽縱
難遽復漢口必可奪回失此機會良可深惜現在
豫湘鄂戰後餘兵爲數不過二千雖經瑞澂督同
張彪勉勵將士死守劉家廟晝夜不懈而力盡筋
疲子藥垂罄廕昌至今未到津軍不遵瑞澂命令

若匪由漢口進兵形勢利便匪多砲隊我盡步騎
強弱懸殊斷難支持張彪等雖存必死之心劉家
廟終無保全之理現在各處電報久已不通所有
電奏去電先猶可託鐵路南局譯發前日又復斷
絕故改送九江電局拍發瑞澂子身率同幕僚數
人在艦游弋接應切望大兵迅集恢復城池不料
津軍遲遲不到到者祇有馬步而無砲兵且不遵
瑞澂命令無兵無餉呼應不靈智力俱窮徒深焦
憤薩鎮冰所統兵輪雷艇子藥無多米煤垂盡瑞
澂所乘之楚豫兵輪機器油已用罄煤亦祇數半

日武漢皆匪無可購辦前曾委員四出採辦米糧或因路途阻滯或竟消息毫無如此情形將至坐以待斃瑞徵不足惜特念兵艦爲水師利器若爲匪得爲害滋深不得已與薩鎮冰商明暫將楚豫兵艦開赴九江趕緊購辦米煤等物運往接濟惟黃州武昌縣大冶縣田家鎮處處有匪上下隔絕轉運甚難仰懇 天恩飭下提督張勳迅將浦口巡防隊派撥一半專向武穴等處節節掃蕩以通運道而分匪勢並懇飭下廕昌袁世凱迅速南下督兵進援俾劉家廟駐守湘豫各軍不致覆沒得

以規取漢口漢陽恢復武昌省城瑞澂亦得交卸
督篆稍輕擔負不勝迫切待命之至再漢陽鎮水
師兵變總兵張有亮聞已從賊昨已商請提督程
允和先行設法招撫以翦匪翼合併陳明乞代奏
瑞澂叩二十九日

荊州府連將軍電奏

八月二十九日

頃呈豔電想蒙代奏荆屬防務喫緊電飭荆宜道
吳筠孫速回該道廿七由宜昌星夜回沙今早已
到據面稟廿七由宜起程時市面商場均各無恙
惟風聞戴管帶壽山逃逸該道因荆沙電促未及

詳查等語現聞廿八夜陸軍全叛勾結匪人旋即
佔據現荊州孤立上下無援請速飭陸軍大臣派
兵尅日赴援無任盼切之至謹乞代奏連魁松鶴
叩豔

信陽廕大臣來電

八月二十九日

連日開往漢口列車尙有十餘次車未北還實由
司機多逃無人運用機關並缺煤致均停滯劉家
廟瀟口一帶請飛飭京奉等路司機趕卽南下運
空車北還至少須派十餘班多載水煤同來尤要
火速頃飭將領遵悉並將車守少加賞犒當可逐

次拖回矣

彰德袁宮保來電

八月三十日

請發軍人乘車執照及軍用品運輸執照各二百張以便應用

寄彰德袁宮保

八月三十日

軍人乘車及軍用品運輸執照各二百張已飭照辦即日送呈應用

寄信陽廕大臣

八月三十日

濤邸屬問廿七運完之第四鎮廿八運完之禁軍陸路管退砲均已過信陽否請電復保定第六鎮廿九可運

完

寄漢口劉家廟瑞制台薩軍門 八月三十日

申奉 旨瑞澂薩鎮冰電奏二十七日官軍與匪接仗
劉家廟失而復得請迅催廕昌立即前來或派砲隊先
至救援等語仍著激勵將士穩慎進攻嚴防暗襲已有
旨飭廕昌迅撥砲隊助剿矣欽此謹聞

寄南昌馮中丞汝駭 八月三十日

各處因鈔票逼現洋款頓缺萍礦停工恐亂務求就近
設法代墊數萬兩運往萍鄉交林道查收其銀卽由做
處交還上海洋元已飭設法

寄南京張制台南昌馮撫台安慶朱撫台上海劉道台

寄招商局員董

八月三十日

頃准海軍部函開屢接漢口來電各艦煤米車油均已
缺乏急待接濟務望通電沿江各省設法代辦運送漢
口以濟軍需所有款項均由本部照撥等因應請沿江
諸帥迅速派員購辦陸續裝運漢口以資急濟輪船或
搭裝或專裝乞酌量電飭上海招商總局及沿江各分
局妥籌辦理幸勿刻延款請暫墊隨後報部撥還並希
將辦法電示至紉公誼

寄彰德袁宮保

八月三十日

湘豫援軍力薄北軍甚厚但求用命及軍火合湊廕帥
已到花園確是可勝不可敗中外望公如歲撥餉募兵
無不照准惟聞庫空如洗恐非借款難支郵部預算本
入不敷出今各交通均受鈔票影響亂不速平張綏亦
須停工滬市已停七日華行均閉公屬籌挪舍外借恐
無策似難嫌其遲緩軍情有聞必告

彰德袁宮保來電

八月三十日

自聞新命焦急廢寢然兵無一名餉無分文子身
前往何從措手昨奏請撥餉募兵尙未奉批急切
實難部署已去之軍係按秋操編制而籌備戰事

缺點尙多以攻悍匪恐難得手倘稍失挫遠近響
應全局瓦解不可不策出萬全部撥款輾轉需時
恐難迅速接濟倘有急需可否由貴部設法挪借
能借若干示覆

寄濟南孫中丞寶琦

九月初一日

交通受擠萬分危急餘由部復漢事不可問須盼項城

速行

寄信陽轉花園廕大臣

九月初一日

並致易參謀

九江訪事電有人於離漢八九里空營之處掘濠請留
意尊處至劉家廟鐵路通否近漢電綫毀斷數里已飭

趕修

又九月初一日

禁軍砲隊及第六鎮到否做處專弁陳金生隨公赴漢

投薩軍門信如不能去請即傳諭附空車回京爲感

又九月初一日

前敵情形此間傳聞多不確尊處如有所聞祈隨時示

知

彰德袁宮保來電

九月初一日

做處需員差委擬調道清鐵路總辦黃開文來此
襄助仍請暫留原差即請飭遵再現當用兵之際

鐵路電報人員異常辛苦車手聞有逃意擬請將
湖北河南直隸界內路電各員生司事分別酌加
津貼以勵勤勞可否祈復

又九月初一日

日俄戰時所辦紅十字會尙有存款否此次戰事
擬設醫院款極難籌祈設法協助盼復

又九月初一日

前敵消息貴能靈通擬請專派委員隨軍設機通
電以便調度並祈酌備德律風及綫隨時架設統
赴信陽候調瑣瀆甚感

又九月初一日

頃據探報軍用專車雲集孝感縣以下各站行車
工人多半由信陽潛逃聞有數次幾致出險如無
需多似可令先回北若干已商廕公矣

又九月初二日

各電感悉鄂艦缺煤米已電奏飭江督贛撫委滬
九兩道接濟如需用船所撥遣運此變有關全局
必須同力合作方可有濟惟聞庫款甚絀請密商
廕公速爲籌備用兵如賭資厚可贏本微必輸匪
一日不平賦稅所失甚鉅如糜爛稍廣所失何止

億兆權度得失不得不放手籌備匪械多餉足官
軍竟乏子彈優劣之勢判然兄與廕公皆當世偉
人必能見及於此也敝處申辰本皆已領到

寄南京張制軍蘇州程中丞上海道劉觀察

九月初二日度支部

幣制局
會電

現因南省市面銀根緊急現幣缺乏已由貴督奏明酌
撥新鑄銀幣發交銀行行用據上海大清交通通商各
銀行奉復已會同商會錢業公議擬照舊有龍圓價值
通用藉維市面應請查照示諭閩省商民人等須知此
項新幣比較舊有龍圓成色更佳現准照龍圓市價一

律行用所有錢糧釐捐各項均准完納俾堅信用而利
推行希卽照辦電復爲盼

寄彰德袁宮保

九月初二日

紅會已派沈敦和由滬帶醫生去已奏請援案勸募又
派福開森赴漢合辦日內過彰謁見請指授機宜德律
風行軍綫備妥卽運廩已去一批黃開文卽派員代理

彰德袁宮保來電

九月初二日

冬電祇悉半價執照如由陸軍部請領往返需時
殊多周折可否援照東征成案由統兵大臣自行
刊發以昭簡便而利進行速示爲盼

又九月初二日

姜提台允借軍米五千石初三日運到塘沽祈飭
撥火車運二千石至彰德交卸運三千石至鄆城
交卸已派員在塘沽守候押運感紉公誼速盼施
行

天津陳制軍夔龍來電

九月初二日

袁慰帥借調直隸馬隊兩營擬於初六日開拔早
間曾電請分飭京奉京漢路局預借車輛諒荷督
核頃接慰帥急電所調馬隊兩營在彰德下一哨
餘悉令由信陽下車等語合亟電聞請飭京漢路

局遵照是荷

寄彰德袁宮保

九月初二日

半價執照卽請由尊處自行刊發並將票式咨送

又九月初三日

冬電昨交蔭公閱甚佩同力合作必可做到據云已先
電允四百萬已由部庫先籌百萬請速派員領運以應
急需陸軍部原請撥二百五十萬已放過現銀一百五
十萬匯豐四行尙無回電或云意存觀望或有居奇之
心

又九月初三日

已遵示派車由塘沽運米五千分赴彰德鄆城矣筱帥
處運馬隊亦已照辦許兆桂帶電機明日來頃九江城
內放火

愚齋存稿卷第八十七

愚齋存稿卷第八十八

電報補遺目錄

寄直督王夔帥

直督王夔帥來電

寄王夔帥

又

直督王夔帥來電

又

又

寄直督王夔帥

署江督張香帥來電

陝撫張中丞汝海來電

王夔帥來電

寄西安張撫帥

寄直督王夔帥

直督王夔帥來電

寄王夔帥

西安張撫帥來電

寄西安張撫憲

張撫帥來電

寄西安張撫憲

寄京總署李傅相津王制軍

直督王夔帥來電

又

寄直督王夔帥

直督王夔帥來電

寄直督王夔帥

滇督崧錫帥來電

直督王夔帥來電

寄直督王夔帥

忠烈不... 卷之十一 目錄
代趙竹君電稟江督張香帥

直督王夔帥來電

寄直督王夔帥

江督劉峴帥來電

直督王夔帥來電

寄直督王夔帥

寄江督劉峴帥

江甯惲莘耘觀察祖祁來電

寄江甯惲莘耘觀察

江甯惲莘翁來電

寄江甯惲莘翁

寄直督王夔帥

寄武昌惲菘翁

武昌惲菘翁來電

寄直督王夔帥

南京惲莘翁來電

寄惲莘翁

直督王夔帥來電

寄武昌惲菘耘觀察祖翼

趙竹君稟南洋電

寄湘撫陳右銘中丞寶箴

直督王夔帥來電

又

寄直督王夔帥

寄武昌惲菘翁

王夔帥來電

蘭州楊制台昌濬來電

直督王夔帥來電

湘撫陳右帥來電

寄湘撫陳右帥

寄直督王夔帥

直督王夔帥來電

寄直督王夔帥

又

湘撫陳右帥來電

寄湖南陳右帥

寄直督王夔帥

又

直督王夔帥來電

又

又

又

滇電局來電

寄滇電局

寄直督王夔帥

直督王夔帥來電

又

又

寄直督王夔帥

又

寄直督王夔帥津關道李觀察岷琛

寄直督王夔帥

又

王夔帥來電

寄王夔帥

又

王夔帥來電

寄王夔帥

寄川督鹿滋帥

谷山音聲錄

王壽明公

王壽明公

王壽明公

王壽明公

王壽明公

王壽明公

王壽明公

王壽明公

愚齋存稿卷第八十八

電報補遺六十五

寄直督王夔帥

光緒二十一年十一月初六日

上海至吳淞本有丹國大北僭造電綫光緒八九年大費唇舌稟明南北洋買回拆去歸局另辦所以嚴陸綫界限也今夏上海德律風公司洋人請由滬造至吳淞堅拒未允實因電綫傳聲即可傳字未便開端致妨大局曾稟明咨署有案務求援案仍前拒絕如總署不得不遷就美使祇可准由電局本有電桿之上設法加綫兼以傳聲但必須持定此係中國電局自主自辦之事

與洋人公司無涉以杜牽引尤為電務得失緊要關鍵
乞鈞裁查案咨復

直督王夔帥來電

十一月十三日

頃接總署電云錫電悉已電慶大臣暫緩畫押請
飭盛道派員前往會議等因希照辦

寄王夔帥

十一月十二日

昨督飭周守冕楊守廷杲查明漠河滬局實存現銀四
十五萬一千餘兩俱存錢莊津局新到金砂八千二百
兩約可兌銀二十餘萬兩聞袁道於照章報効之外另
請報効十萬今年股分每百兩已約派餘利百七十餘

兩年內尙擬再派餘利百七十兩又聞袁道因撥還佳
水記官股故另印股票欲添填股分十萬兩又聞欲將
觀音山割開另辦此皆黑龍江來電所云未知已否稟
請前後交替之間假公濟私市恩炫義世俗常有惟恐
公積盡提則資本過薄根本易搖又恐每股一年分餘
利兩次三百四十兩則股利過厚豔人耳目頃與周守
面商或在公積四十餘萬內提十萬兩作爲添辦觀音
山新增股分此係官商應提之款卽爲官商公股票存
北洋以後官商各半取利以免另招股分如鈞意謂然
或請徑札或由周守會同滬津兩局稟奪再前項奉傳

諭滬津兩局不准擅動應俟周守到漢會商袁道稟明
後方准動撥年終上海錢莊恐不可靠擬囑楊廷臬酌
提一半分存輪電紡織局暫行生息以期穩妥是否有
當均乞電示轉飭遵行

又十一月十二日

觀音山礦苗勝於漠河頃與周守議及如家有窖藏強
鄰覬覦宜速搶挖該守到漠布置後應留委員坐辦卽
駐紮觀音山以後半年駐漠半年駐山不可偏廢該處
准歸漠河併辦傅相咨署核准今有附奏咨明將軍諒
不致中變津滬銀錢責成甚重滬局請委楊守廷臬津

局請委徐道傑已由周守電稟乞俯准

直督王夔帥來電 十一月十三日

袁道並無電來股利太厚亦駭聽聞尊議甚是一

切照議告知少逸會同津滬兩局會稟津徐滬楊

容即加札飭遵

又十一月十四日

淞滬德律風一事頃准總署復稱已照尊議照復

美使囑即照辦等因除即日轉行外恐驛遞稽遲

美領使先來問及合亟摘要電聞以便接洽

又十一月十五日

陝甘電綫報銷初十奏十三奉 硃批戶部知道
頃接漠廠袁道稟於備糧盈餘及勇餉截曠項下
湊銀十萬報効軍餉另提一萬六千作為本廠公
股備加給卹賞卽請假盤費之用餘不及他少逸
如未行可告知

寄直督王夔帥 十一月十五日

袁道所稟各節已告知周守昨海蘭泡致周守云欽差
廿五抵省觀音山奏歸江省計算日期摺子尙未到京
似此漠河必大減色矣

署江督張香帥來電

十一月十九日 並致上海
黃道招商局沈道等

本月初二日致上海道黃道電云息借商款前議
轉撥商務借用查蘇商還款係移歸局改作原借
各商股本並非另借與他人滬商還款似可照辦
該道速即傳集原借各商剴切勸諭即以借本之
多寡爲股分之等差各就所還本銀全數彙齎自
行議辦一廠如機器製造各貨凡可以敵洋產塞
漏卮者皆可亦不必拘定紗布縲絲兩項如洋蠟
洋針洋氈洋糖洋磁器之類皆極有益總以成本
較輕者多造數種爲佳以期漸開風氣不入官本
不雜他商公議以後由商自辦官不過問商務局

但經理將還款轉手絕不干預其開廠貿易等事
此係遵 旨振興商務意在眾擎易舉早得觀成
多開一製造廠卽多塞一漏卮逐漸擴充以保華
民生計於官絕無所利如有需官力護持者准其
稟聞必爲設法體恤保護此項遵 旨新設之廠
稅釐可酌量減輕還款期近速議電復至要初八
又致黃道電云息借商款留爲製造等廠之用此
爲助商並非利官總因中國商人見小無遠慮氣
散不同心之故洋商致富之由全憑眾力以成一
大公司無論如何至少亦須留數萬爲開各小廠

之用商力如有實在爲難必須收回現銀者查確
可免其入股其餘務須剴切勸導勿任其游移瞻
顧至要凡有移此項官還息借款開廠者係屬遵
旨振興商務無論製造何項洋貨及仿洋式販
運出洋之土貨如洋式磁器之類當奏明第一年
准將稅釐全免第二年後仿照紗布廠章程只完
一正稅通行各省以示鼓勵望傳諭各商知之卽
復庚各等語此本部堂代謀華商生計之苦心卽
以體 朝廷振興商務之德意故不憚諄諄勸導
期於有成凡屬商民應知感奮卽使自有爲難情

形情願收回不願開廠原可聽其自然乃無知之徒造謠妄議訛爲不還商本強令入股變亂是非淆惑眾聽殊堪痛恨查屢次電飭勸令各商自辦一廠聲明不必拘定絲布兩項與紡織局何涉應期還款以示信勸辦商務以利民兩事並行本不相悖誠恐各商輕信謠傳以致懷疑誤會亟宜宣播於眾俾令周知至願辦與否聽各該商自籌可也黃道迅速照錄此次去電全文出示曉諭俾眾周知不可短少一字至要卽電復

陝撫張中丞汝梅來電

十一月二十六日

敬電悉各處均無可滙兌之項如有新前膛洋鎗
請以此款代購三千枝不敷再滙西甯今已解圍
賊潰奔逃回總教主馬永琳父子五人均伏誅大
快人心併聞

王夔帥來電

十一月二十九日

總署文稱准滇督咨思茅至猛烈設綫木植等料
須由湄江購運方便請飭向法員商妥等因由署
咨請轉飭前來除迅速行文外合先電聞希照辦

寄西安張撫帥

十一月三十日

西甯解圍想甘事肅清在即電局欠款承屬代購前膛

新槍名明益每枝連運費約在三兩之外如定購三四個月可運到滬各國久已不用前膛槍故皆修舊而無新造乞鈞裁

寄直督王夔帥

十一月三十日

思茅設線木植等料須由湄江購運飭向法員商妥俟奉文後卽當照辦查李道必昌函稱思茅接綫約計綫路一千餘里擬分兩里採木運料由省至思派一人由思茅出關至孟阿營派一人材料凡由省至思由越南運至河口接運入內地猛至思擬請法員代辦入中界派人接運庶較省便如由內地無論由廣由川皆四十

五站運腳數倍於料價此項桿價運費工程除料價外
擬比照滇省上年修造騰越電綫在善後局墊用所歷
多係瘴鄉做工巡綫皆難用人沿途報房擬於石屏元
江他郎普洱思茅五處設四報房一分局思茅以外或
走猛烈入猛烏或走漫乃入猛烏均屬夷地非勘不明
謹候籌定再爲詳達等語李道現丁艱回籍如須開辦
屆時須請錫帥調回滇局派人動工方免貽誤

直督王夔帥來電 十二月初一日

李道百日後回滇錫已片奏矣向法員妥商一節
如何辦理尙希籌及電復

寄王夔帥

十二月初二日

向法員妥商一節駐滬法總領事向來認識擬俟奉文
後再與籌定稟復

西安張撫帥來電

十二月初一日

明益鎗如包用請定購三千枝訂明送至天津交
收價請講定何時可運到示知費心再謝

寄西安張撫憲

十二月初四日

頃與信義洋行商訂彼以此項前膛鎗廢舊不好即使
修用恐難耐久該行恐礙聲名不肯包辦如要購毛瑟
後膛鎗價亦不貴究屬可靠乞鈞裁

張撫帥來電 十二月初五日

購鎗作罷論應擬還之五千餘金請分交百川通
協和信收某號收數若干請示知

寄西安張撫憲 十二月初六日

電局欠庫平銀五千七百四十五兩八錢六分五釐遵
即分交百川通三千兩餘交協和信聽候撥用

寄京總署李傅相津王制軍 十二月十二日

滬道出示總署電議離廠稅一節想係指貨未出口之
先在本地行銷者如華廠紗布章程完一正稅轉入內
地本不再完稅釐赫總稅司謂華洋廠貨必須一律方

免藉口以後華廠所製各貨完一離廠正稅後運入內地亦必再完半稅華商資本較薄而求利較厚勢力不敵無論矣昨有華商來議擬辦製造錫箔綢緞各機器答以此等土物向無洋貨侵佔若改用機器華民素賴手藝養活者頓失生計若推而至於種植農具尤無底止或謂我若不爲他族爲之則奈何因思中國生齒浩繁與外洋迥異即使不奪其農工生計游民尙慮無以自食其力倘使百工農婦均以機器代其人力恐億兆更無以爲生但已准其任便製造土貨於無可挽回之中可否酌定限制其外洋應用出口之土貨如縑絲等

類可准其製造又中國仿照外洋已經自造之土貨如
紗布等類亦可准其製造此外本非外洋需用出口之
土貨又非中國已經仿照自造外洋進口之貨概不得
在任便製造之列若再慮其吹求或聲明凡有中國自
用之貨物中國不准自己商民用機器製造致奪華民
生計者亦不准洋商製造此議爲保全華民生計起見
不盡關乎商務照萬國公法應由自主與我通商各國
應無不願我國民人自留謀生之計每遇荒年各國官
商尙肯捐資放賑有國者莫不以百姓生計爲重如與
力爭當可應允千鈞一髮關係匪輕職道到滬後察看

情形如此用敢冒昧瀝陳伏乞鈞裁備酌

直督王夔帥來電

十二月十三日

並致滇督崧

頃接總署元電云法使函稱思茅至越界電綫料物中國如願由越南載運即可照辦刻下駐越法官可將所需電料付與中國收買惟須將所用物色件數並綫之粗細開明以憑備送又中國如欲法員相助華員建設越界至思茅電綫亦能照行等語希查照並轉電滇督酌辦電復等因合亟轉達

又十二月十五日

頃接總署咸電稱俄使照催海綫合同簽押希查
照本署前咨迅飭盛道商辦並電復等因希查照
辦理速復

寄直督王夔帥 十二月十七日

總署因俄使照催海綫合同簽押轉飭商辦自當遵照
海綫公司利於速訂合同而華綫利於停緩今該公司
屢促俄使催議勢不能止但交來底本華綫喫虧太甚
職道必當竭力據理與彼磋商使中國不喫虧各國皆
允洽方能會擬條款請示憲台咨明總署核定再行簽
押此事本非急務彼欲就急中圖錯卽如俄使原議加

價一層如我輕允必爲各國揶揄將來華綫做至恰克圖利益日擴即可將電局所獲之利爲 朝廷推廣郵政一併歸諸公家職道十數年於此事交涉故必始終不辭勞怨與各國力爭權利所在乞電總署婉復俄使謂已飭盛道籌議但中國早綫與英丹海綫同係公司不得不聽兩面商董互相妥議而後呈由總署與立有電約各國大臣酌定辦理

直督王夔帥來電

十二月十六日

頃接陳右帥電稱前湖南局設電綫因滋事停辦今世變益亟獨湖南一隅聲息阻滯極形不便且

目前辦理賑務教案關係尤重特求飭派籍隸湖南幹員俟明春開凍後酌帶匠役來湘勘路舉辦擬暫由武昌驛路達長沙接至湘潭箴當加遴員紳助理期臻妥善事關切要專候鈞復等因除商請先行奏明外合先電聞希酌量預備再聽續報

寄直督王夔帥 十二月十八日

湘綫由武昌驛路達長沙接至湘潭憲台商先行奏明謹候續報再派學生前往勘路所需籍隸湖南幹員憲意中諒有安人乞酌示以便預爲商定

滇督崧錫帥來電 十二月十七日

思茅接綫路程委員尙未勘覆大約由思茅至越
界計程八百數十里又由思茅至通海計程九百
數十里請照此酌定物料件數其綫必須七號請
諭津局洋總管博來便知滇局占臣有電明春二
月初可到滇矣

直督王夔帥來電

十二月二十七日

湘南長衡寶三府大荒右帥有電告急籌賑局已
撥濟四萬元又捐廉三千昨又有湘省京員三十
二人並翁徐錢廖以次七十八人公函迭告司道
及尊處皆有容另寄似此情形固非偏災可比不

識尊處備荒項下尙能借移一籌否南省議賑力
尙從心否兄於湘最習不能不爲盡力希贊成爲
盼並先酌復

寄直督王夔帥 十二月二十八日

湘南告災亟應籌助招商局所捐備賑十萬除山東借
撥五萬外現存松江各典五萬難動晉捐剩存備賑十
萬除山東借撥五萬外現存紡織廠五萬可以借撥刻
與各董熟商一曰籌墊倡捐借撥備賑款五萬兩並息
借莊款四萬兩宣亦捐廉一萬兩共成十萬二曰擇地
派人義賑中亦少可靠之人只有請嚴佑之前往一行

款少地廣不足救澈應電詢佑帥三屬以何處爲最重
只可擇尤加放義賑三日勸捐歸墊備賑借款奏明必
須歸還否則以後無可再墊頃與施則敬等面議善捐
甚微仍賴獎捐爲主湘中咨部太遠請援協晉成案奏
由津道刊發實收直督憲咨部並請札委張道振棨在
津總辦以上三端是否有當敬候鈞裁

代趙竹君電稟江督張香帥

十二月三十日

今日盛道招集滬商籌議均以新約准洋商製造紗廠
日多紗利日薄不願領辦盛再三勸導許以由官另存
公款廿萬官本四十萬息可挪後滬商亦不肯允擬屬

沈道能虎與瑞記試商或由瑞記洋人自行設廠已付
吳熙麟四十萬作爲存款機器合同銷毀此亦推出一
法或將紗機四萬錠及官本四十萬分作八份由滬道
甯道以官力勒令滬甯蘇鄂八廠各領一份其大引擎
鍋爐飭令製造局承買此亦消納一法但總不及撥歸
蘇州商務局於事理最合蘇局雖係息借商款究係官
力辦到如同官款且所訂瑞生機器該行主云陸實尙
未畫押以官本四十萬合蘇款六十萬適成一公廠可
否電吳清帥再切商陸祭酒最爲得體省事

又 十二月三十日

養電面交盛閱詳言華盛七萬錠僅裝成五萬錠布機
七百五十張已費銀二百數十萬辭官後力難籌款瑞
生四萬錠至少須集商本百萬無論何人獨力難支必
須眾擎易舉此係振興商務大端可否請派熟悉商務
五人各認招廿萬庶可接收確實舉辦不託空言楊彝
卿在坐深韙此說江海關黃道號召較靈鹽道胡商情
甚愜嚴道本有前議與盛各認招廿萬再請借撥公款
廿萬共成官本六十萬商本一百萬擬略仿鄂局每年
結帳先提給商本股利一分再給官本股利一分再有
餘利官商公派亦屬公允如合憲意楊嚴盛可力勸聞

胡感憲恩或囑琴生往探黃處請給一電似義無可諉
此亦昌不得已之極思矣

直督王夔帥來電 十二月三十日

三策深費蓋籌惟昨接敬帥電又以鄂災告急並
有近年直賑鄂曾迭助鉅款之語有挾而求勢難
諉卸而賑局甫撥湘款開正工賑紛來一時力實
不逮不得已或於尊籌十萬內撥出二三萬入濟
遂作爲直協之款將來統由勸捐項下歸還可否
希酌復至湘災以醴陵爲最重右帥電中曾提及
佑之能去固好但恐過鄂時鄂中又有所懇佑之

亦甚爲難此層並當計及之

寄直督王夔帥

光緒二十二年正月初一日

宣懷叩賀夫子新禧鄂灾告助誼亦難卻惟直隸工賑紛來以後呼籲更難獎捐二成無人問津可慮似不僅在撥鄂二三萬之數貢監銜封非無捐者皆因他省暗減太甚以致鬧壞上年宣曾條陳統捐分解海防捐現已不准外省留支卽屬此意但捐實官者尙多繞捐虛銜故賑捐暗減不特賑務喫大虧卽海捐亦實有損如能奏請將貢監銜封專設一局悉照三成實銀統捐分解所收實銀必可加倍名器不致太濫工賑可免融銷

海防亦無繞捐之弊順直山東工賑無年不有或奏定
順直撥留五成山東撥二成半其餘二成半備撥他省
告災之處政貴核實款宜通籌師意如以爲然鄂款津
墊滬墊均有歸着否則義賑專辦湘省尙恐力不從心
斷難兼顧佑之赴湘十萬且必請益外此苦無可靠宣
元日旋蘇嚴侍命筆賀喜

江督劉峴帥來電

正月初六日

坤又到江南彌增愧悚聞公在津新設學堂章程
甚佳卽祈鈔示全卷以便將來做辦是禱

直督王夔帥來電

正月初八日

昨接總署魚電言法使催覆思茅電務若何辦理
當覆陽電云思茅電務迭經商之滇督轉飭盛道
妥爲籌辦現定責成滇局洋員占臣辦理占臣請
假回國正月內即可銷假到滬查思茅至越界約
八百數十里至通海約九百數十里俟占臣到滬
卽由盛道酌定應用物件令占臣在滬配齊並由
海道赴越運滇一切工程統歸占臣一手經理以
免紛歧是電料旣無須法員代購電工亦不煩法
員勦助矣希察照等因照錄電聞祈查照

寄直督王夔帥

正月初八日

思茅設電統歸占臣一手經理自是一條鞭辦法此次
造費從何籌措似須預為請示

寄江督劉峴帥 正月初八日

魚電飭呈學堂章程容將全案稟送並擬趨轅面陳一

切

江甯惲莘耘觀察祖祁來電 正月初五日

洋商承辦開廠帥意終恐將來費唇舌五兄來稟

又請邀公議辦帥頗謂然囑公速自赴鄂詳看以

便籌商

寄江甯惲莘耘觀察 正月初六日

愚齋不彙 卷八十八
鐵政屬洋商力大流弊亦遠屬華商力小收效亦遠五
兄獨具卓識但帥意猶未決弟憂讒畏譏曷敢自信帥
到鄂後通籌決策如無疑義天稍暖當再親自赴鄂熟
商辦法

江甯惲莘翁來電

正月初九日

尊電已轉呈帥云洋商之弊合同周到即可防範
利卻甚大既多現款又可擴做惟當今迂謬乖巧
之人不用心而好亂說不辦事而好挑眼實不願
與此輩淘氣饒舌故決意不招洋商矣今已決計
與吾兄商辦但宜趁此閒空之時赴鄂一行蔡毅

若正須回鄂可相伴一同游覽帥節十七日交替
到鄂須下旬閣下看畢後正好面商定議免延時
日帥意閣下開缺倘不得請春暖後恐須回津非
赴鄂親看不能商辦也

寄江甯惲莘翁

正月初九日

佳電命趁此閒赴鄂一行自當遵照因奉總署飭與俄
英丹籌議海陸電綫合同十五後開議月杪俄使到滬
卽須定局擬送傅相出洋後到鄂一氣呵成只須帥意
堅定必當竭力爲國家籌遠大之計賤恙不宜北地鴛
下不合官場無論鐵事辦不辦必請開缺無疑正如帥

言不願淘氣饒舌也乞代稟

寄直督王夔帥

正月初九日

周守冕來電密圖觀音山者不獨本省卽前查三姓之
董姓亦來早已定局幸有人謂若割歸本省必愈趨愈
下如派漢員何妨徐俟行止蓋其時各憲意在借餉太
少餘利太厚礦丁太苦費用太大有款而不開路置船
徒被俄輪重勒運費不向餘米處辦糧致累民間食費
並動須假道俄疆爲嫌尤深因十八年以後股分董君
但招股百萬連三姓併包餘均不及故也冕初見星使
詞色甚嚴云渠係奉旨查辦但知切實整頓有益

國家生平不怕開罪二品以上若佳水六記既得半利
尙欲混爭觀音山於心何忍軍憲則云無論現准部咨
嚴查當此人言嘖嘖旣爲將軍難安緘默從前各將軍
竟熟視無覩亦不奏催開路令人可笑冕思總以保全
觀音山爲扼要因將各憲所蓄而未發者均作爲夔帥
面諭並將奉文二十年後股分概不作准等情上陳當
覺怡然復諭股分駭人聽聞當此時勢於心何忍冕以
在外洋尙有倍於此者惟中國未免駭然然十五年以
前股分不可不格外優待以資觀感此乃有關商務大
局之事仰蒙允爲熟商並將觀音歸漠河兼辦未嘗不

可但報銷須各自分開利益應統歸官冕云夔帥意亦
相同年奏飭請江省派員監收金沙於是星使云初慮
此舉難免開罪北洋如此可同志速赴廠將漠觀兩處
情形詳細稟報以便核定章程入奏軍憲則云派員監
收反多掣肘是非自有公論可弗慮冕復請將每日收
發數目榜示局門並繕單分給礦頭及各司事處傳觀
並將護礦營改招索倫兵由官撥送由廠挑選計在兩
憲處均談有三四點鐘之久將奉觀音山准歸漠河兼
辦之命冕爲眈眈者實繁有徒事關北洋大局起見故
以委曲求全伏乞鑒諒除俟到廠查明密請憲示再行

稟報外合瀆陳云云謹代稟

寄武昌惲菘翁

正月初十日

江電與廿五函同到始知鄂災與湘並重公在鄂尤應
幫忙惟允湘賑在先且專派人去非鉅款不可鄂捐只
可竭力趕辦實收望速咨送五百張如能照山東給空
白咨文功效乃速莘兄見傳帥諭令赴鄂須送傳相出
洋再定

武昌惲菘翁來電

正月初十日

前所約落第後再議果符所料前日電請再催約
我公悉如前議帥允照辦並諭俟公到鄂勘礦後

奏辦已諭知萃弟奉約務望卽行命駕勿稍遲疑
鐵廠到手鐵路亦在掌握矣鄂捐請爲號召公處
能手甚多此等事固不屑親駐指揮也

寄直督王夔帥

正月十一日

宋道春鰲電稱庫平兩萬兩慎裕已匯到電桿約三月
可齊三姓苗旺由此下手已派員往布置惟董夢蘭無
理取鬧開辦祇得稍緩一切細情已分別詳咨頃經長
帥請旨馳驛約可到京特將片稿電達乞速轉北洋
或仍託六須生關照萬不可著董會辦長帥片云再查
吉林三姓金礦經前署將軍恩澤奏派候選同知董夢

蘭前往查勘奉 旨允准札飭遵照在案奴才長順回
任後旋准北洋大臣王文韶咨明三姓金礦現已屢奉
諭旨遴派道員宋春鰲前往詳細查勘妥爲辦理等
因准此上年十一月復據記名海關道宋春鰲集股銀
二十萬兩先帶銀十萬兩來吉稟到正在飭辦間卽據
董夢蘭稟報勘明礦苗請撥營開辦前來奴才長順以
事出兩歧且因董夢蘭尙未集成礦股不便預動公款
當批飭自行籌借赴天津請示茲據該員由奉天來稟
以自刻關防刷印股票招集商股並據署三姓副都統
富順咨報董夢蘭已派員到姓設局備採等語奴才長

順查宋春鰲係奉 旨飭派辦礦之員董夢蘭亦係奉
命飭查之員併歸何人承辦以專責成之處相應據實
陳明請 旨遵行謹此附片具陳伏乞聖鑒訓示謹奉
聞

南京惲莘翁來電 正月初九日

今早曾發詳電密告帥諭諒已鑒及祁窺帥意甚
堅公亦當堅決速行與五兄力爭之意方合祁廿
一赴鄂公何日行速復

寄惲莘翁 正月十一日

佳電謂帥意甚堅兄廿一赴鄂未知帥何日回鄂任弟

須候開河天津邀一礦師來同看庶有斟酌帥飭議折
漕價訪確糙粳每石現洋三元州縣得錢價之有餘不
敷米價之不足殊難請奏乞代稟

直督王夔帥來電

正月十一日

蒸真兩電均悉此間亦據長帥來文咨請戶部折
中一是語有抑揚長帥摺到當不致模稜兩可周
守可謂使不辱命星使恩帥亦甚通達事理此局
必可保住現作恩帥函謝之且聽下回分解戶部
議覆王鵬運條亦奏有整頓招商局之舉中間敘
商局事頗爲體諒刻已行文到日酌辦

愚齋存集 卷六十一
寄武昌惲菘耘觀察祖翼

正月十一日

虞電佩甚莘兄來約鄂游適奉總署飭與俄英丹議訂
電綫交涉合同十五後開議月杪俄使來滬即須定局
擬下月送傅相出洋後到鄂勘議如帥意堅定必當竭
力爲 國家籌計遠大決不存絲毫私見惟馬鞍山煤
礦不敷用尚須別尋煤礦爲難耳實收已到暫緩添寄
必竭力代勸

趙竹君稟南洋電

正月十二日

盛道在蘇見陸祭酒據云接憲電瑞機價六十二
萬由甯付清機交彼將蘇廠移滬因蘇商不願趙

亦攔阻業電復盛回滬後再與華盛總紗廠各董
商憲台既已將機價全付勸令承接此機添設分
廠擬以機價六十二萬存華盛三年後六釐起息
每年本利隨還五萬二十年還清其本利合百萬
此款憲台亦可指抵一用處在華盛前三年免利
可抵機價之貴息按六釐比如華盛自借洋款購
機官商兩得其平如憲意爲然請卽將機札交華
盛接收並將瑞記減價合同全案附發機價六十
二萬除已分給外其未付者請將價錢交華盛俟
收機後給清絲機有損失可由華盛向彼理論盛

道囑代稟昌以為辦法乾淨如四萬錠機價只須

四十餘萬瑞機貴總以脫累為是候速電示

寄湘撫陳右銘中丞寶箴

正月十五日

湘賑已延請嚴紳帶查戶熟手十餘人攜帶銀十萬兩
月內起程擬託菘耘借用官輪過湖嚴紳智仁勇俱備
囑其先到省謁見再赴醴陵向來委員必普賑而極貧
得賑轉少義賑查戶專放極貧救人救澈醴陵放完如
有款接濟嚴既遠來可託續放茶攸此間墊款須照章
核獎已請夔帥援協晉邊之例由津關印實收直督按
月咨部較為迅速夔帥已照准如能多勸仍解湘省

直督王夔帥來電 正月十六日

願電縷悉佑翁親往湘人盼切感極出諸望外惟仿照湘賑開辦湘捐此間司道力持不可以有礙順直賑捐也言只須賑捐充裕儘可彌補備賑此中尙有機括否希酌之

又 正月十七日

刪除官督悉歸商辦適與總署議覆王鵬運摺命意相背俟接閱原奏便知此論暫從緩議

寄直督王夔帥 正月十七日

整頓商局遵俟行文到日酌辦此間正在籌商刪除官

督悉歸商辦以順商情

寄武昌惲菘翁

正月十五日

佑之帶十餘人挈款月內起程須請尊處撥輪送過洞庭並祈指教鐵事准二月間送過傅相到鄂籌議然非賴我公助我實無把握另呈佑帥密電乞譯出附遞湘籍幹員夾袋中有人否

王夔帥來電

正月十八日

頃接長將軍電稱准總署篠電奉

旨長順片奏

悉三姓開礦事宜著責成宋春鰲一手經理董夢

蘭著撤去開礦差使欽此從此一天雲霧皆散特

聞

蘭州楊制台昌濬來電 正月十八日

銀九千發交談升令給護札派員兌滙已諭詳稟
矣

直督王夔帥來電 正月二十二日

頃據崧錫帥電稱奉總署寄電思茅電綫除材料
外木價運費造費應援照成案在公使經費支用
希飭盛道照辦仍將所需實數開具日期先行電
聞等因敬祈尊處卽轉飭盛道照辦等因希查照
湘撫陳右帥來電 正月二十三日

愚齋存真 卷八十一
嚴紳日內卽令攜款來湘大力宏願道路傳稱身
受感刻更何如矣醴陵極貧飢民臘正查散賑共
三十萬口官紳因款乏極力刪減尙難就緒得嚴
紳精核自無遺濫到當熟商清帥奏請援順直賑
章辦捐聲明就本省及湘省服官他省者勸辦故
議不作外辦折收礙銷且以捐事久成弩末全在
好善樂施及鄰省協撥乃有濟耳尊處墊款請夔
帥援晉賑咨奏極好捐章附片奏咨

寄湘撫陳右帥 正月二十四日

馬電謹悉嚴紳到滬復經謝紳家福墊款二萬共掣款

十二萬兩月杪動身此係義賑向不浮銷但須照章給
予獎敘如援晉賑事竣可由宣懷詳請專案奏銷毫無
所礙未知何日附片奏咨如何措詞乞先電示以便此
間詳辦

寄直督王夔帥

正月二十五日

上海米價甚貴萬難購運災民只須襍糧已電商佑之
酌度似湘省不全荒上游不患無糧食運至下游師必
洞知

直督王夔帥來電

正月二十九日

豔電已轉總署計尙未到頃接總署豔電稱俄使

愚齋存彙 卷八十八
以盛道與大北公司商訂章程意在延宕再緩一月卽須向本署商議云盛道未能遽訂當必有故希電詢取復等因希將未能遽訂之故擇要電知以便轉復總署

寄直督王夔帥 正月二十九日

去臘僅晤大北公司總董恆甯生英國董事未到故恆甯生面訂過年再議現在英董直德由新加坡到滬正月十九送來合同底稿華局亦酌擬各款送去並遵照十二月二十憲札轉行總署鈔錄俄使照會已於今日初次會議該兩董於緊要處不肯更動且說如不能照

彼合同各條辦理則不必議華局斷難照允想不日當再會議也乞卽轉電總署

又二月初一日

豔亥電謹悉海綫公司堅欲加立合同因恰克圖接綫在卽慮華商局奪彼利益將以繩綑我耳去年八月喀使面勸立約告以光緒九年三公司訂有合同尙有八年期內不應另議如必欲另議一則出洋報費不可因此加價以免各國怨罵一則上海福州廈門香港四處出洋報費以及該四口互相往來之報費皆須與中俄旱綫報費統作三分公派喀使謂加價各國不能不允

香港係英屬地不應在內或當設法另補已詳去秋呈
送問答之內此次會議仍以兩端爲最要東北原擬向
收每字銀洋二元者改收金磅須合洋三元是暗加三
分之一今議又欲將總價八法郎克半改收七法郎克
是明減八分之一五雖明減暗加只須各國科派平允
尙無所礙惟香港已設華局與上海有英丹公司事同
一律且港屬英既可分與丹公司何不可分與華公司
乎彼既要我港局同價則港之報費亦應與滬福廈報
費歸併均分今海綫公司要滬福廈分與彼而港不分
與我又欲將我港局與彼同價則彼佔便宜太多面議

將散時曾放鬆一語云如香港出洋報費不分與我必
當如數另籌補我之法並囑博來電達喀使喀復博電
謂須勸盛道台剔除香港必須照此合同如不妥即在
京議但香港係英屬而俄使何必助英剔除香港殊不
可解喀請一月後卽向總署商議意在要成此係三公
司議價之合同如果往由使臣與總署議訂此端一開
不特電務繁細不勝其勞且如招商局與怡和太古各
公司時煩議論各洋商亦必願請英使徑赴總署會議
何堪其擾查來稿係十三款去稿擬增六款廿九僅議
兩端如猝就恐不僅喫虧且貽後患彼意在必成似當

恩齋存案 卷八十一
不惜勞苦逐節磋磨俾期周妥乞轉達總署備答俄使
並請告俄使諭令該公司須平心商議勿事過狠則華
局亦可曲就以副喀意

湘撫陳右帥來電 二月初二日

各省撥款與尊處墊款擬二月初旬具奏當先電
寄惟奏墊捐係夔帥奏咨將來專案奏銷是否仍
由夔帥乞電示以便措詞湘省至鄂驛路祇長沙
湘陰臨湘巴陵四縣三百六十里已與諸紳熟商
公舉孚眾望正紳縣各二人共需電桿若干卽先
由各紳照時價買備土工亦由紳雇仍向電局領

價均無浮冒但冀可免爭競並不自辦至時請派
電學生來省由省委員帶領往辦先由長沙辦起
遞及巴陵辦至鄂界卽有鄂委員接續應由電局
與鄂商辦聞公二月來鄂商辦鐵政非一時一事
之幸欣跂無似俟公到鄂後具奏商辦必可帖然
此路辦妥西南接踵矣

寄湖南陳右帥

二月初七日

嚴紳初七南京來電云峴帥撥捐行營公費四萬兩嚴
已赴漢上海墊款十二萬內宣捐一萬墊五萬謝家福
墊二萬又錢鋪暫墊四萬現因錢鋪催還已由黃幼農

代墊一併派員在滬設局收捐憲台二月初旬奏件電
到再行刊用實收將來議賑專案奏銷如照晉邊係北
洋與晉撫會奏電線由長沙辦起計三百六十里應用
電桿二千八百八十根木價土工均請鈞處代墊事竣
電局繳還只須派撥學生兩名老工頭數名赴湘便妥
松雲來電以鐵政須令一看擬月杪月初赴鄂似宜先
籌煤礦方能擴充練鐵至鄂境電線到鄂當與香帥商
妥稟候核奏

寄直督王夔帥

二月初九日

昨派電局洋參贊博來繙譯朱寶奎又與海綫公司會

議香港出洋報費該公司堅持不允公派頃屬博來電
告喀使謂香港與歐洲來往各報華電局既不能分則
中國與歐英來往之報華應多派以補不足此係照貴
大臣十三日來電辦理查華電局與大同訂有合同內
註明華電局在香港接線與大東在上海接線情形一
律既訂明在前香港報費華電局亦應照分現華局既
將香港讓出而大東與其合夥又不肯將別項報費略
補其闕似該公司並不遵貴大臣電囑該公司從寬辦
理之意云不日當再訂期會議

又二月十一日

花農三次代庖均值封凍期內此次虧欠愈多精華正在春夏之交只得懇求面諭接署之人設法彌補

直督王夔帥來電 二月十一日

花農實不得了容爲設法百日後如何亦宜預籌及之

又二月十一日

盛沈兩觀察頃接香帥蒸電稱魚電悉灑口離漢口止三十里各勇乘小划即可潛回民情譎惡殊甚余軍仍須徑送岳州爲妥務祈速電飭招商局暨余鎮部下各將弁切屬各輪務須直駛岳州沿

途萬勿停輪爲要加給船價煤價當由鄂出切禱
至感等因查余勇頭船計將到漢尾船當過鎮江
能否招呼希酌辦

又二月十三日

來函悉文電到傳相遣使費用不貲已飭准招商
局提備希代墊轉達此款匯滬抑暫留津並望電
復花農事商妥再達

又二月十五日

已由銀錢所電致滬關在應解淮餉項下劃交尊
處湘平銀二萬兩見電卽向幼農訂取可也

滇電局來電 二月十五日

奉錫帥諭正月接夔帥庚電思茅接綫現定責成
滇局洋員占臣辦理占臣銷假到滬卽由盛道酌
定應用各物令占臣在滬配齊仍由海道赴越運
滇并已知照尊處等語茲接占臣來電已於二月
十一日到滬請將前電議員應用各物料就近交
令帶滇勿誤爲要飭局電聞特電望復

寄滇電局

二月十六日

鹽電所囑已與占臣商酌將應用各物料就近配運由
水路交蠻耗局暫存占臣面稟臨安至元江較通海至

元江近五十里且臨安要地可設報房元江普洱均可
設機自臨安至思茅實路不過六百里思茅至孟阿營
實路尙未查明又云此路夏天難辦必須八月內開工
約兩月可完或由臨安或由通海請代稟督憲核定木
料約何時可齊占臣擬先回省再赴思茅勘路

寄直督王夔帥

二月二十一日

頃接右帥來電云陽電敬悉佑之兄於十四日到湘十
六往醴陵辦賑北洋專案奏咨卽奏明謹摘錄片稿呈
覽全稿再咨送電綫眾紳集議派定長沙湘陰巴陵三
縣紳士各二人辦理此事卽日先往勘路事畢再電告

俟台從到鄂與鄉帥定議興辦片稿上敘各省協濟下
接云爲日方長隱憂殊切幸直隸總督臣王文韶兩任
湘撫念悉地方困苦情形兩次撥解銀四萬兩捐廉三
千兩復由津海關道盛宣懷挪墊銀五萬兩自捐銀一
萬兩上海道黃祖絡挪墊四萬兩義紳謝家福墊銀二
萬兩計共十二萬兩統交嚴作霖等於二月十四日抵
湘由臣商令先往醴陵助賑成案悉由北洋大臣專案
奏咨以期迅速業由臣電商王文韶查照成案辦理云
云查此間捐墊實銀十二萬兩亟須核獎歸墊頃已遵
照湘撫奏案在滬設局援照往年晉邊助賑成案刊印

實收出局徑詳北洋咨部惟宣懷現在奉差駐滬借用印信不便所有實收捐冊以及勸捐文牘擬卽蓋用總辦電報事宜關防以昭簡便且各省皆有電局均可通飭勸捐呼應較靈除詳請十萬兩爲限制斷不礙及直捐

直督王夔帥來電 二月二十二日

勸捐歸墊右帥旣經奏明卽可照辦收捐定有限制甚是擬用總辦電報關防亦屬可行北洋專管奏咨一切較便並當照議辦理

又 二月二十二日

頃接總署箇電稱滇電局洋員占臣已返滬希電
盛道就近與商思茅電綫辦法電復等因希查照
商復

又二月二十三日

本日接佑之鹽電請益五六萬金津局現辦河工
春撫竭蹶不遑前撥四萬幾同盡忠竭歡無可再
說昨商勸捐限制以二十萬爲率能再爲之借箸
一籌否希酌核速復佑翁爲荷

寄直督王夔帥

二月二十三日

嚴佑之來電醴陵一縣極貧卅萬口需錢卅萬串屬代

求憲台再助五六萬能否酌助乞鈞示以便答之

又二月二十三日

占臣到滬已與商酌將應用各物料配運齊全由水路解交蠻耗占臣面稟臨安元江較通海至元江近五十里且臨安要地可設報房元江普洱均須設機自臨安至思茅實路不過六百里思茅至孟阿營實路尙未查確又云此路夏天瘴重難行必須八月內開工十月內可完或由臨安或由通海以及思茅至孟阿營委員所勘里數若干各路木料約何時運齊均已電請崧帥核定占臣輕裝先由越南回滇卽赴思茅勘路此間派員

愚齋存彙 卷之十一
由滬運料至蠻耗再者小半由蠻耗旱道轉蒙自大半
用小船裝至元江分屯一切當與電局妥籌辦理乞轉
總署

寄直督王夔帥津關道李觀察岷琛 二月二十六日

學堂上年丁家立等在津滬港挑選學生專重洋文原
議今春添招四班三十名應專重漢文與花農約定滬
取二十名津取十名宣懷現已親自考選二十名一文
一論均清通多係世家相貌英秀身體結實並訂延教
習范膏民三月內來津其餘十名即請少東觀察照章
選取爲禱

寄直督王夔帥 二月二十七日

湘捐請獎三成例銀二十萬不過收實銀十餘萬擬歸
墊十一萬外悉以解湘已轉電諭復佑之矣宣今日回
常州掃墓

又 三月初二日

津商局調愛仁裝砲兩尊赴閩頃據局董面商以愛仁
已拆卸人字架現裝漕米可多得水腳以抵該局長年
養費且無閩貨可裝可否緩至七月間閩貨時裝砲此
爲公中打算乞酌示

王夔帥來電 三月初三日

建靖兩砲天津不能安配該船在閩裝修未能久
候據稟首夏工竣四月初十前兩砲必須到閩愛
仁如不能來可設法另派一船裝運將來酌開運
費亦可該兩砲係十五生口徑四十倍身長已運
至沽陽碼頭等候矣希核復

寄王夔帥

三月初三日

砲事已與局董熟商擬令利運船主初十邊到沽察看
裝送如不能裝再改派愛仁不誤四月初十日期限

又

三月初三日

去年奉錦勸捐辦賑均係宣處派人部議已復准由直

隸照章酌保除周冕手下已經稟外其餘出力各員當俟宣懷與嚴紳查明核實上詳

王夔帥來電 三月初三日

奉錦獎案候詳到核辦

寄王夔帥

三月初四日

大東北屢議未妥華局已將香港出洋報費全讓東北但欲將滬福廈港四口互相往來報費併歸三公司均分喀使復電已允而東北兩公司不允現已諭喀使原訂會議一月之期限喀知延宕在彼不在我當不致擠逼宣懷現赴長江一帶察看商務仍留參贊博來朱寶

愚齋存彙 卷八十一
三
奎在滬如東北再來就議仍與磋磨免彼藉口乞轉總署

寄川督鹿滋帥

三月初五日

打箭爐一段應用電線鉤碗及必需之要件遵卽轉飭趙令領齊運蜀興工並酌給運費由川款撥事關要工斷不稍分畛域至打報機器滬廠新造者與西洋頭等機器電力相同各省已通用三年凡能自造者免購洋器意在塞漏鑛地等器川省能否仿造局中有無可借已電詢王令矣國帑艱難能省則省李守如蒙奏派赴藏查辦要務該守忠實明幹當可不負委任聞藏內滿

地金沙現方銳意求礦以救貧弱憲台可否密諭李守
留意查察如興川藏金礦富國可期至紡紗織布如須
東運棉花恐無大利

...

...

...

...

...

...

...

...

...

...

愚齋存稿卷第八十八